

# 北洋官報

目錄

宮門抄

上諭

交旨

奏議◎新撫聯奏辦理禁烟情形摺

摺片十一則

奏牘◎支應局詳一件△撫密縣稟一件

文告五則△畿輔十三則△各省六則△各國十一則

彙編◎彙摘江蘇諮議局議案

本局 第一百二十一期 法政學報 已出

## 宮門抄

十一月十七日 民政部 都察院 正黃旗值日 博公等由 西陵回京請 安 博公謝 賞

加級 恩 廷杰到京請 安 明啓假滿請 安 昭公請假十五日 馮國璋請假五日 希朋

阿續假十日 額勒春續假五日 召見軍機 廷杰 都察院遞封奏二件 農工商部遞封奏一件

## 上諭

十一月十七日內閣奉

上諭法部尙書廷杰著加恩在紫禁城內騎馬欽此

上諭副都統段祺瑞著充陸軍第六鎮統制官趙國賢著即赴廣東潮州鎮總兵本任欽此

## 交旨

十一月十七日 軍機大臣欽奉

諭旨民政部奏籌議整頓京城警務并經費支絀請飭部籌濟一摺著度支部議奏欽此

諭旨農工商部奏遵旨覆陳籌辦富簽公債票利弊一摺著該部妥擬試辦詳章奏明辦理欽此

諭旨都察院奏代遞翰林院秘書郎田智枚等請將已故革職福建巡撫張兆棟開復原官并宣付史館呈一件張兆棟著加恩開復原官該部知道欽此

諭旨都察院奏查覆已革准補山東嘉祥縣知縣郭鴻賓等被叅冤抑等情著禁煙王大臣查核具奏欽此

 奏議錄要 

甘肅新疆巡撫聯魁奏辦理禁煙情形摺

奏為覆陳新省辦理禁煙情形恭摺仰祈 聖鑒事竊奴才欽奉 上諭禁煙一事乃今日自強實政教養大

端於衛生足民興地利塞漏卮各節皆有極大關係特是禁吸禁種籌款抵補洋土藥稅釐三事相為表裏禁煙大

臣民政部度支部各省督撫各分權限各專責成將如何辦法自行切實覆奏等因欽此仰見我 皇上振民育

德利用厚生之至意循繹再三莫名欽悚竊自洋煙流毒蔓延寔區創鉅痛深亟待鍼砭奴才忝撫邊地值百端之

待舉念民智之未開將欲啓其新機尤應去其痼疾自光緒三十二年欽奉 諭旨通行禁煙當經遵照分別

飭辦所有派員設所暨減吸種各辦法已據實 奏咨在案茲承 特諭垂詢除稅釐尙乏妥策堪備抵補謹將

本省遵辦禁吸禁種詳細情形敬為 皇上陳之查禁煙一事以禁種為根本而實以禁吸為禁種之根本蓋徒

禁種而不禁吸則雖毒根已拔而心地未淨近則恐萌芽之復生遠則慮外產之輸入當洋藥入口亦因先有吸者

而後有種者是以實行禁煙仍以禁吸為入手辦法奴才自准政務處咨到奏定禁煙章程欽遵分行各衙門查照

辦理新吸立飭杜絕舊癮按限戒除先以官吏示齊民之準分由司道照章稽核而查造民間煙籍清查土店封閉

煙館禁售煙具各事亦飭次第舉行嗣准禁煙大臣咨到查驗章程並頒發六項表式復在省城設立禁煙公所派

鎮迪道兼按察使銜榮霈總司其事所有新省文武員弁禁煙事宜統歸該公所調集查驗遵章取具切結並同官

保結據實填註表冊已先後詳經奴才核咨備案惟省外各提鎮因值改編巡防隊正須嚴行分別有無嗜好更調

增募頗需時日是以造冊稍遲疊經催趕辦刻日亦可彙齊備報伏讀 諭旨文武職官責之京外各衙門長

官認真糾察不得循情避怨等因當設公所之時奴才即已嚴飭該總辦榮霈 朝廷為民除害事在必行務當

切實查辦毋負委任該總辦自任事以來躬率所中各員妥慎辦理未稍鬆懈取結填表後凡跡涉疑似各隨時調

所查驗住所以五日爲期飲食起居俱由委員監視衣服行李均須嚴密檢查猶恐耳目未能盡周省內則添派安人四處密訪省外則由提鎮暨各道就近考察計設所已逾一年調驗人員已多均皆與冊結相符尙無規避掩飾情弊卽聞有一二因病未能遽斷者准先自陳明酌展期限赴驗亦經斷淨奴才復陸續抽驗均屬核實 國家軫念痼瘼嚴將來而寬既往其實已戒斷者自應仰體 皇仁准予自新惟鴆毒宴安古有明誠奴才仍當督飭該

總辦認真經理未驗者一律調驗已驗者抽查覆驗但期痼習盡除弗敢稍避嫌怨至各營兵夫各學堂師生暨幕友書差在官人役均責成各該管長官恪遵定章懲爲厲禁此外紳商士民人等由官查明酌予憑照嚴示限制並精製方藥施給貧寒填發門牌以便稽查先由省城開辦以次推廣各屬一體實行奴才察看民情俱知禁令森嚴不敢違玩應於逐年銳減由少而無幾至比戶可封此新省辦理禁吸之實在情形也然禁吸已實地辦理禁種亦難視爲緩圖新疆產煙無多向係自種自吸無大宗土藥運銷外省卽外產輸入者亦僅甘省暨俄屬喀喇湖之土藥前已咨行將該兩處實力稽禁復將本地禁種急起趕辦所以遏其吸源查本省產煙之區南路喀什道屬較少阿克蘇道屬庫車烏什輪台柯坪爲多北路伊塔道屬之塔城甯遠綏定精河俱有煙地而以鎮迪道屬之奇台孚遠綏來昌吉呼圖壁爲最多各屬種戶多係上著奇台綏來則多關內客民租種來去無定查禁較難前據藩臬兩司詳請自光緒三十四年起全省煙地每年每畝減種二成原以通行期限尙遠按年遞減作五年禁盡尙在定章十年減完以前上年十一月准民政部咨覆奏查明洋藥進口土藥產銷數目酌擬辦法摺內新疆限至本年下半年起全行禁種等因復札飭改照新章辦理新省種煙向分冬春二季當接准部咨之時正冬花下種之候卽飭自冬花禁起先將煙地切實清查刊發告示剴切勸諭一律改種他項糧食從宣統元年起將本省罌粟地稅普行免征其向有客民租種之地切飭地主不得再租種煙違者地畝充公仍從嚴懲罰據各屬先後詳報均經遵辦去冬今春邊員分往嚴密履勘據報實係全行禁淨間有荒僻之區或播種在先奉飭在後或客民猶有潛種者均經印委各員勒令卽時翻犁改種糧食仍取具各農約頭目人等嗣後不得再種罌粟切結由地方官加具印結申送禁煙公所詳齎前來奴才嘗以新省各項新政限於人地財力亟難擴充惟禁煙似較有把握第念沉溺太久湔除難免需時仰賴 聖謨廣運令出惟行各該員辦理妥速不辭勞怨據詳報各情証以訪聞所及實有出於意計之

硃筆

外現仍嚴申前禁不稍弛懈並督飭所屬相度土宜推廣有益衣食種植列為考成隨時選派委員分投覆查務期全疆煙畝根株淨盡不得有一莖之留遺此新省辦理禁煙之實在情形也大抵禁煙一事正本清源禁吸禁種同時並舉交相為功惟自來頒布禁令常以查察難周屬僚不免欺飾吏役恒有需索稍涉疏忽動滋流弊新省自禁煙以來經奴才不時申徹承辦各員遵章按限事固顯然易見而風聲所樹懲勸兼施圍圖亦安謐如常毫無擾累堪以仰慰

所辦尚是 宸廩除分咨查照外所有覆陳新省辦理禁煙情形緣由謹會同護理陝甘總督臣毛慶蕃恭摺具奏伏乞

皇上聖鑒訓示謹 奏宣統元年十一月十三日奉

硃批該衙門知道欽此

**摺片摘要**

度支部片奏崇文門左右兩翼任期與關期改歸一律事十一月十五日奉

旨依議

又片奏請將張家口殺虎口關期任期分別變通辦理事同日奉

旨依議

海軍處奏議覆兩江總督奏張熙補叅將事同日奉

旨依議

欽天監奏恭辦 典禮出力各員可否給獎請

旨事同日奉

護直督崔代奏新授浙江運使直隸通永道衡吉謝

恩摺同日奉

又奏委林志道署通永道片同日奉

硃批知道了

又奏新授湖北按察使李樹棠因病請假片同日奉

硃批賞假兩個月

又奏筆帖式文璽六年期滿送部引 見摺同日奉

硃批吏部知道

豫撫吳重憲奏開歸陳許鄭道曹福元創辦學堂請

賞頭品頂戴摺同日奉

桂撫張鳴岐奏廣西統稅局卡所需經費請准實用實銷摺同日奉

硃批該部議奏

又奏廣西錫礦停止官收任由商民運售摺同日奉

硃批該部知道

**公牘錄要**

海防支應局詳直隸文報與江南文報併設一局應如何支給經費請示文並批

爲詳請示遵事宜統元年十月十四日奉 前憲端札開照得本部堂前在兩江任內因駐京提塘違誤要公 奏請裁撤另設文報局接遞公文奉 旨允准派委分省補用通判蔣有榮駐局辦理兩載以來一切文報往來頗稱捷速至直隸文報局經 楊前部堂議令停辦接遞各項公文無人經理每多舛誤遲延頗形不便現與兩江督部堂往返電商擬將北洋文報事宜與南洋併設一局凡 各部院咨行南北洋及南北洋咨達 各部院公文均交該局接收轉遞員薪局用等項由南北洋分別攤認業經專摺會 奏在案茲查直隸省文報事宜既與江南併設一局應即加委原辦江南文報局之蔣倬有榮駐局辦理以資熟手所有應攤之員薪局用等項照案由支應局開支仍飭該員核定數目稟候批示遵行該員月給薪水銀五十兩夫馬銀五十兩亦由支應局支給除分別咨行外合並札局遵照又於十月十五日奉 前憲端札飭以據直隸文報局分省補用通判蔣有榮稟伏查直隸文報事宜素稱繁躋辦理必須詳慎局內一切章程及應用司事書役酌給薪工津貼自應防照江南文報局成案辦理總期於文報則力求妥速不使稍有稽遲於經費則務從節儉不敢稍有浮濫用副 憲台實事求是之至意茲謹將需用司書差役名數並薪工津貼數目開摺呈請批示祇遵至直隸文報雖與江南併設一局而辦公處所既須分別安置所有應用器物等項自應另行購備且卑局向設小鵝鴿市房屋無多今直隸文報歸併一處核計萬不敷用刻在帥府園內二十四間房地方租定民房一所所有修理屋宇裝飾門面尤屬在在需款擬請飭下支應局先發銀一千兩以便撙節支用核實報銷斷不敢稍有糜費再江南駐京文報局向有關防一顆遇有公牘往來文件藉昭信守直隸事同一律應請頒發以備鈐用所有卑局開辦各緣由理合稟請查核批示祇遵等情到本部堂據此除批據稟已悉查閱摺開員司書役等項薪工數目尙屬核實應准照辦候飭支應局先發給開辦經費銀一千兩交由該委員撙節支用核實報銷一面飭刊直隸文報局關防一顆發交該局鈐用以昭信守仰即遵照妥實經理勿稍疎懈切切此繳等因印發外札局遵照先發銀一千兩發給蔣委員應用一面刊刻直隸駐京文報局之關防一顆發交該局鈐用以昭信守各等因奉此並據蔣倬有榮備具墨領一紙請領直隸文報局開辦經費銀一千兩前來職局查北洋原有文報總分各局向由職局支發經費銀兩嗣於光緒三十四年十二月間奉 前憲楊

札飭以文報局初爲傳遞往來文報而設現在郵政通行文報各件自可改由郵遞較爲簡捷省費所有文報總分各局自宣統元年正月起應即一律裁撤員司弁役薪工姑准發至正月底止札局知照等因當即由局遵飭停支並發遞公文各件郵費洋銀經津海關道按月開單具呈飭由職局核發各在案茲奉前因復查設立直隸文報局與江南併設一局員薪局用等項由南北洋分別攤認業經 前憲楊專摺會 奏職局雖未奉到抄摺行知自應遵照辦理惟查南北洋合籌各款向由職局勻撥者有南北洋海軍事務處海軍醫院經費係按每月實支數目各半籌給並無另由北洋發給薪水夫馬及開辦經費章程此次蔣倅有榮請領開辦經費一千兩南洋曾否支過並該員月支薪水夫馬銀一百兩是否南北洋分籌之款職局無從懸揣應否咨會南洋大臣查明江南文報局月支員薪局用等項數目由北洋攤認一半抑由職局如數支給之處未敢擅專理合具文詳請 憲台查核俯賜批示祇遵實爲公便

護督憲崔 批據詳已悉直隸文報與南洋併設一局所需開辦經費銀一千兩既經 前部堂端批准照辦應即先行支發以符原案至文報局常年所需員薪局用等項南北洋如何攤認候飭蔣倅核明具覆再咨南洋核辦仰即遵照此繳

### 撫甯縣耿令守恩稟縣境匪徒復聚一切辦理情形文並批

敬稟者竊查卑縣匪徒聚衆於九月二十六日將雙山子官鹽分局搶掠之後次日復赴台營肆搶鹽局卑職聞信即會同陸軍高統帶等前往保護勸導匪等恃衆抗拒並繞至局後將局牆拆倒意欲捧柴燃燒房屋兵隊受傷見勢危急開槍抵禦格斃匪一名格傷匪六名並將餘匪逐散恐其復聚請派兵前來協同保護大概情形當經馳稟 憲鑒在案一面督件驗明被格身死之匪一名劉全良當場填圖飭令地方棺殮召親領埋並督件驗明格傷之吳廣有謝林汪有文龐連山汪琴趙萬順六名開單附卷亦令保回醫治旋據兵隊獲送搶鹽之犯溫興一名訊供狡展帶縣管押並據兵隊奪獲匪等所持器械木棍十六根鐵鞭兩支亦帶回存庫二十八日因本府馳抵台營彈壓即就近稟請勘驗台營鹽局附近隣佑被匪砸毀門板及局後拆毀之牆繪圖附卷卑職部署稍定即同本府回撫署二十九日復送本府回轅不料十月初二日匪等復聚集數千人在台營滋擾卑職即飛騎赴營保護是日雷

鎮憲本府亦奉 憲檄到台營同出村外勸解不散始經卑職設法督差先後拿獲孔廣順劉三即劉福清張國璧張福順李景和路起明徐恒張士志田世美張廷楷張立共十一名餘即解散當將孔廣順等送經雷鎮憲本府會同研訊明確今年夏秋二次鳴鑼聚衆搶燒鹽局並此次抗拒官兵要挾減落鹽價皆係孔廣順劉三二人起意爲首提訊餘犯各供相同業已電稟 憲台擬請將孔廣順劉三二名從重懲辦以昭炯戒因日久未奉 憲示與其餘張國璧張福順李景和路起明徐恒張士志等六名經本府一併帶郡候示復訊分別辦理田世美張廷楷張立三名因訊明或被逼前來或來叫親屬情有可原飭交卑職帶縣先後取保省釋在案現查城鄉商民安堵知關憲屢特此奉 聞除將兵隊送案之溫興審明酌核稟辦外所有卑縣匪徒復聚保護解散獲匪送訊現查城鄉商民均各安堵緣由理合稟請 大帥查核再據獲案之田世美等供稱格傷之吳廣有回家後聞已因傷身死此外風聞受傷之人亦有因傷身死者未據來縣呈報不知確否一俟飭差查明另行稟報外合併聲明肅此具稟恭請 勛安

護督憲崔 批據稟已悉已將孔廣順劉三二犯批飭就地正法矣仍將溫興一犯迅速審明擬議詳辦仰永平府查照飭遵稟抄發此繳

## 文告錄要

農工商部批示○職商譚馥恩等稟 批稟悉京師設立各項工廠原爲振興實業收養貧民所出貨品自應由各廠自籌銷路該商等擬設協濟貨票公司代銷各種貨品不特事同越俎而且迹近牟利所請應毋庸議此批督憲批示錄要○順義縣文生趙鈇等稟潮白河缺口橫流爲患懇恩委勸挑築由 批據稟已悉仰水利局會同通水道委員查勘妥籌詳辦鈇稟批發河圖併發仍繳○邢台縣岳令齡詳拳獲偷竊道釘賊犯路雲青暨收買道釘馬付茂即馬更學由 批據詳練軍右營弁員拳獲偷竊鐵路道釘賊犯路雲青一名希按察司轉飭該縣覆審明確據實錄供擬議詳辦並仍嚴緝逸犯路兩全等務獲究報此繳

學台批示○豐潤縣豐台鎮學董張國元稟因開捐妨害學務懇請俯賜維持一案 批稟悉此案前奉 督憲札行臬憲悉心審辦席捐一項照章大憲三文中憲二文小憲一文其餘浮費永遠革除將來該堂學款自不至一

無所出據稟各情候即移會臬憲查照核辦可也此批

保定王巡總局告示○爲出示曉諭事照得時屆冬令附近河沿孩童往往踏冰爲戲毫無忌憚詎知冰結未堅傾跌堪虞倘或陷溺生命攸關與其貽悔於後何如防患於先除傳飭各分局隨時查禁外亟出示曉諭爲此示仰城關內外附近河坑各住戶人等一體知悉務當嚴爲防範勿令孩童任意踏冰玩耍以免危險倘敢故縱一經查出即惟該家長是問本局爲保持治安起見其各懷遵毋違切切特示

保定府批示○清苑縣民婦樂王氏稟批此係氏夫樂長勝到堂審結之案與另起事件應行隨時申訴者不同既經翻控即再批縣審斷仍當提質本人豈能僅憑該氏狡飾之詞所可了結前經迭次明晰批示乃復無理強辯此等刁風斷不可長應將抱告王玉山押發清苑縣嚴究寫稟訟棍懲辦一面勒傳樂長勝覆集訊斷併案詳奪

### 畿輔近事

官場紀要○護督憲札委候補道蒯觀察光勳會辦保定軍械局差已於前日赴院謝委 護督憲於前日下午一

鐘赴北洋師範學堂參觀畢業典禮發給學生文憑

天津南段巡警總局紀事○巡警總局日前傳飭各局區區長皆到總局會議言及每逢火場無論遠近局區長及副官等均到火場彈壓並有稽查手持截簿以便各巡官親手蓋戳而資查歷行辦理在案現經提調張君以爲無論遠近局區長與副官均行到場則本區空虛偷遇要事或特別案件則無人料理殊多窒礙嗣後擬改爲凡遇火警如與木界相鄰局區長亦可到場彈壓如與本局相遠祇可令副官督同巡長一名巡警四名趕緊赴火場照料局區長似以不必出局以免本區中空虛而重要公現已通飭各局區隊一律遵照辦理云

師範學堂舉行畢業典禮○十六日午後一鐘北洋師範學堂畢業當由該堂延請官學報界觀禮茲將禮節單錄下 一招待來賓 二恭迎師節 三本堂職員教員分班謁見 督憲 四振第一次鈴 學生入禮堂 五

振第二次鈴 本堂職員入禮堂 六振第三次鈴 來賓入禮堂 七振第四次鈴 督憲入禮堂 八開會 監督述開會辭報告本堂事務 九督憲頒發文憑 由各科第一名畢業生具領 十督憲頒賞獎品 由

各科最優等前列畢業生分領 十一 督憲訓詞 十二學台訓詞 十三 監督訓詞 十四教員演說  
十五來賓演說 十六畢業生述答詞 十七閉會 十八茶話 十九 督憲暨來賓巡覽全堂 二十恭送  
帥節

會·議·接·辦·旅·學·事·宜○天津江蘇會館於十四日邀集同鄉官商會議接辦旅學事宜當日到會者有升授甘肅臬  
台何秋輦方伯及孫仲英觀察其他官商均主張江蘇共立旅學仍須接辦經費一層由何方伯擔任向同鄉各  
處勸募并公推方伯爲江蘇學務總董云

籌·辦·國·債·會·之·電·覆○天津商務總會日前接到蕪湖商會電覆云商會鑒有電悉草章已到同人等深佩熱誠自  
當一體贊成竭力組織特先電覆燕會阮

批·駁·開·彩·售·貨·事○直隸出品協會據商人馬錦章等呈請開彩售貨等情奉批呈摺均悉本會開辦展覽會宗旨  
原爲蒐集品物共同研究以便明歲運往南洋比賽而設所有會場准設售品所藉以鼓舞商情亦爲增進盛況  
起見如果貨美價廉銷路自不至塞滯該商所請借機開彩推廣銷路之處碍難照准仰即遵照此批

展·覽·會·協·理·注·意·火·災○津埠入冬以來多風少雪物燥天乾以致火警頻聞自本月初間金華橋北金鋼橋南大  
火之後迭於初十一十二等日計大小火十餘次凡燈火煤炭柴薪各易於引火之物均亟宜加意嚴防以杜  
不測刻下公園正開展覽大會陳列處則珍奇羅列售品處則貨品堆集尤宜格外留意小心協理錢觀察每於  
夜靜時常親自巡行一周園圍之大無不躬歷殆遍云

會·中·酒·肆·開·市·日·期○天津公園出品協會前因飯館酒肆甚爲闕如當經招商開設茲有某館情願在該會公園  
內暢觀茶樓開設飯館字號永義專賣中外飯菜點心一概俱全已於十六日開市矣

續·紀·入·會·游·覽·人·數○天津河北公園展覽進行會連日遊覽人數迭紀本報茲又調查十四日大風計收入場券  
四千一百六十六紙十五日微風共收入場券二萬零七百十紙

中·國·地·學·會·開·會·紀·盛○天津中國地學會於十五日午後開特別大會是日到會者百餘人當由北洋大學監督  
蔡志慶太守介紹美國博士德瑞克君出席演講初言大地構成皆水火二力特其變化極微人不能覺後乃歷

舉美洲西部及中國北部山脉河流以相印證并攜有繪圖數幅口講指畫歷歷如數家珍聽者皆鼓掌稱善  
小學觀摩會揭曉○津埠勸學所前調集官民立各小學堂高等一年級學生在西馬路宣講所開觀摩會現經縣  
視學華芷船君評定甲乙按照最優等優等中等次等分別榜示茲將取列最優等優等學生姓名堂名抄錄於  
後 最優等汪瑞玲太陽宮 邢文彬民四十四 溫世雄城隍廟 陳淑民六 文松民一 楊士榮行宮廟  
盧魁元民一 劉秉愚陡頭村 優等陳官文民六 李錫田太陽宮 閻世華太陽宮 馮金元城隍廟  
林世模城隍廟 孫鳳義民六 華以德民一 倪文炳舊營務處 張言森行宮廟 馮連起城隍廟  
外城自治會提議事件○京師外城左二三四區之自治會議長邢君等日前會議以近來火災屢見亟應預爲防  
範惟車店草鋪積存乾草者甚多最易引火不可不限制現擬商請各警區調查某鋪存放若干並限制存放之  
數目逾數者議罰

自治學員見習展期○京師西郊自治局自治學員見習期滿尙無相當之位置刻又改訂新章由月之初十日起  
至明年二月爲二期由二月至六月爲三期由六月至十月初十日爲第四期至十六個月方爲見習期滿屆時  
再行分別派差

## 各省近事

政治

宣佈加訂姦賣婦女法律○蘇省大吏近因城外設埠通商以來各處姦拐婦女之事層出不窮並有不法匪棍專  
將良女販入娼寮或誘騙窮嫠室女私登臺基殊爲風俗人心之害若非明定法律其害將伊於何底爰特加訂  
姦誘拐賣及自行起意爲倡爲優等新律八條特行札飭長元吳三首縣抄示曉諭俾民間有所遵奉云

電商藩司分科治事規則○浙省藩署擬照官制通則試辦分科治事規則顏方伯當即分致奉吉度支使及濟南  
藩司電詢一切旋接奉天度支使覆電云感電敬悉司署現分總務租賦稅務俸餉四科每科設科長一員科員  
無定科員以下又設正副司書一二三簿書記生均以公事繁簡定人數多寡另設監印庫官廳一員各科之內  
分股辦事又設會事一員爲司使副官統屬各科襄辦一切事宜會事每月公津五百兩科長總務三百兩餘科

二百兩科員自六十兩至一百兩正司書四十兩副司書二十兩書記八兩至十六兩伙食雜支在外飭另錄奉函尊處外特先覆又接吉林度支使覆電云敝署裁併十一局分爲三科一總務特別文牘契約報銷收發監印隸焉二賦稅辦理全省租賦稅釐款項收入事件三俸餉辦理支放全省各款事件科員分三等經費計約實銀五萬兩餘容函詳麟豔濟南藩司覆電云敝處除統計財政設有專科外餘尙照舊治事尙未分科煩覆

### 軍政

參觀秋操之獎賞○黑龍江省城各軍隊於上月二十五日在南門外五里墩地方舉行秋操是日江撫周少帥率

同營務處總辦趙禮泉司使前往參觀茲聞少帥以各軍操法甚屬整齊深爲嘉尙返署後飭由民政司提撥市

錢三千吊獎賞各軍以示鼓勵云

學界海軍捐之發起○皖省高等學堂發起認籌海軍捐每班舉代表兩人經理此事議先將本校捐務辦定然後聯絡省垣各校共議推廣辦法以爲漸及全國地步定自十月十一日起每日每人征錢五文十日一收是爲常年捐其特別捐則任人量輸不加限制並函致各校約舉代表數人於十六日下午一點鐘齊到該校磋商推廣方法會所即設該校理化堂舉招待員六人書記員四人糾察員二人屆時到會者有師範學生代表十一人法政學堂代表三人高等巡警學堂代表四人府中學縣中學代表各四人測繪學堂代表四人陸軍小學代表六人而江蘇旅皖公學亦先期報告到會至是來代表二人巡警教練所代表一人參觀者甚夥齊集後搖鈴開議

### 實業

手工部舉定主任員○蘇學司前在本署設立教育出品事務所徵集關於教育各品物先行陳列研究以備明正彙齊解甯入會所徵各物悉皆分別部類惟手工一部(如刺繡紫花織絨等類)出於女界所作者爲多故須請各紳商眷屬分任其事幫同徵取方易爲力茲公舉蔣季和編修之夫人爲手工部主任專理一切以綜其成蔣夫人當即允諾當於上月二十三日開會邀集各女界公議辦事章程並擬添舉女書記一人女調查六人俾資相助爲理云

農會選舉總協理○皖省農務總會業經吳紳傳綺稟請皖撫立案開辦茲該紳等於上月二十四日開特別會議

選舉協理以便組織內部事項刻已舉定余紳誠格爲總理李紳國楷爲協理並呈請撫院咨部註冊

### 各國新聞

美國颶風爲災○路透電云美國東部一帶地方颶風爲災爲近二十年來所未有紐約街市有十五人因風斃命智洛塞伯司敦并馬薩楚塞德三處海浪被風吹起溺斃三人有一千五百人無家可歸斐洛的福亞地方平地雪深二十二寸歐波爾圖地方輪船五隻帆船二隻均沉沒又有輪船七隻帆船三隻均被風擱淺受傷甚重所毀之船英德兩國居多數聞海浪激起四十餘尺

西葡兩國之風災○路透電云西班牙與葡萄牙兩國大風爲災村莊毀壞甚多

德國銀行家逝世○路透電云德國著名大銀行家巴蘇洛岱氏逝世

德奧儲君訂期相會○柏林電云德儲君并隨員與奧儲君及其眷屬擬於西一月在森茂理司地方相會

比國新王之演說○柏林電云比利時國新王阿洛伯德氏在議院以法國并福利米語言演說比國對於剛果所施行之文明政策并改良剛果之辦法他人決無疑惑比國之權聞議員於比王演說均極歡迎比王允許大赦所有內閣各員均照舊供職

希臘亂事將息○柏林電云希臘政界現因陸軍大臣辭職所有紛亂情形已漸次就緒

德義遊人在阿被戕○柏林電云德國巴克哈爾德氏義國班蘇尼氏現在阿於伯南部被亂匪戕害德義兩國政府要求嚴懲亂匪德政府并聲稱巴克哈爾德氏此次到阿拉伯遊歷決無政界上之關保不過以商人資格遊歷而已

德國注意在韓商務○柏林電云德國福蘭非德報云德國在韓之商權若能保守則日本在韓國所行之權力德國決不反對

俄皇定期出遊○柏林電云俄皇偕其后定於西一月二號到薩爾庫基洛地方遊歷

英國大風爲災○倫敦電云英國北部并威利士大風爲災天氣苦寒各處積雪平均約有尺餘

俄大公爵逝世○倫敦電云俄國尼古拉威士大公爵逝世按該大公爵乃俄皇之叔爲政界偉人

今爲恤灶之計似宜實行舊制以草之低昂定鹽價之漲落則商民之間兩得其平而典草煎鹽之灶丁庶幾免賠折之一累而一家八口之生計少紓焉此草本之宜兼籌者一也 總之淮南各場煎丁灶戶每場不下一二萬家而產鹽之區埭分上中下三等上埭每月約得十二伏火一晝夜謂之伏火每伏火入垣約得三四桶中埭約得六七伏火下埭約得三五伏火最下者每年不足十伏火此埭瀘氣不升而不報廢者以商欠難償灶丁雖欲廢而商用官之壓力以情煎冷煎提辦不得已勉辦伏火銷差其上埭產數雖多而仍不得稜粒歸公者良由夾售私鹽之弊然蚩蚩者氓要非盡樂於爲之也蓋每桶此桶名曰海桶十桶入垣可得二十三桶以垣桶計價每桶六百五十四文八毫海桶十桶約得九七串十五千有零煎草成本須六七百文再加皂角油火修補繳產用物車工批算約須百文除開支各項十桶入垣僅得九七串七千有零上埭每月約得垣桶三十四桶除支得九七串約十一二千文而上埭之家大小男女約計十人每日須食米二斗卽粗糧亦須一斗五升現米價七十二每月須四十餘千粗糧價值四十六每月亦須二十餘千通計出入相去懸殊食米不敷降食粗糧亦不敷而下埭之艱苦更不卜可知亦何怪乎其鋌而走險倍價售私但求一綫之生路雖身罹法網而莫之恤耶孟子曰菽粟如水火而民焉有不仁者乎天下有衣食粗足而猶甘冒險忍於背法者必非人情也然則今日鹽務雖曰芬雜之甚儻得行鹽政者於煎丁加意矜憫先就桶價草本而一一變通籌畫之或亦鹽法中急則治標之一術與若夫就場徵稅化私爲公舉數千百年相沿之積弊而廓清之則尤爲百世不易之長策矣 夏寅官

一 導淮理由書 議長提議導淮卽制台淮揚水利治本之說淮水利害關係江北皖北大局不僅淮揚一隅如但主修濬淮揚隄河是爲治標之法僅爲淮揚計未爲徐海計更無暇爲皖北計耳查淮爲豫皖沂泗衆水所歸苟不問上游來源不謀下游去路止於淮揚中段苟且補苴此實揚湯止沸之策非釜底抽薪之法也就水勢論之豫皖之水多由運河入江沂泗之水多由黃河入海自黃河北徙而黃河淤墊已阻其入海之路自漕停河運而運河失修又阻其入江之路阻其入海則徐海民田俱受其害卽淮屬之安阜清桃亦不能免阻其入江則淮揚隄工日形危險苟修隄務高而濬河不深恐隄水激盪爲害愈烈此猶專論下游水患若上游之水因海江去路頓阻則宜洩必滯滯則不能藉水刷沙匪特皖北受害等於徐海良恐淮河洪湖益加淤淺淮揚更受其影響惟

導准必須測繪全局非一二年所能畢事而淮揚人民鑒於以前潰隄之慘又不得不先事預防並顧兼籌惟是仍宗議長前論標本並治乃可計出萬全治標之法業經特別審查報告茲將治本應先決議之事條列如下請公決 一擬導淮呈稿請督撫具奏飭州縣保護以便分班測繪 一督撫具奏後宜設江蘇水利公司先從測繪入手可附設於淮揚水利總局內既可節省經費亦便敦促進行爲標本并治計似不應離而爲二一測繪經費應先籌畫公司成立首在集股既由全體議員發起可各請本邑有選舉權諸君協助勸股統計甯蘇有選舉權者二十萬人每人能勸一元可得二十萬元以作開辦經費似尙輕而易舉 一導淮議案成立後應將全案錄寄皖省諮議局請其協議合辦 許鼎霖

禁止彩票理由書 今日之耗民財蹙民命而爲吾民生計界上之障礙物者其惟彩票乎世界經濟競爭之潮流方澎湃而入亞東大陸國民經濟思想愈發達者其國必愈強反是則爲人所制以腴以削而陷於危亡然競爭之方法在獎勵實業開發礦產擴張航路提倡殖民政策違斯道以行之國未有不興民未有不富西人之所以橫行地球其足跡所至無處不被其吸收者要皆不出乎此今以不可必得之彩票使蚩蚩者民視爲營利之正當行爲微論其終不得也即得矣而得者一二矢者奚啻千萬且纒纒黃白物非於智識能力中得之儻來之財亦斷斷不可恃夫投機事業本吾民固有之惡根性昔年金市空盤滬上商界惹起非常之恐慌然買空賣空之害或貽累於富商豪賈彩票之害更波及於升斗細民大票全張索價猶昂至分條出售而僅需銀元六七角矣副票發行降而至於兩角矣操豚蹄之瑣瑣博籌車之穰穰於是販夫走卒厨媪梳婢罄其勞勞終日所得之數十錢百錢購一渣染燦爛之紙以爲一旦獲中頤指氣使面團團作富家主人不復嘗胼手胝足之苦豈知青蚨飛去白蠟不來而逸游怠惰之習慣已醞釀浸漬不可救藥民必安得不匱民氣安得不困匪直也也當庚子辛丑間上海租界西人創行各種彩票若和濟若廣益若普益若同利名目糾紛不可窮詰華官以其害民傷財照會值年領事一律飭令停止曾幾何時而十六舖橋迤南票店林立沽者購者讙擁蟻聚如飲狂藥浸淫及於內地十室之邑百家之市罔不有彩票之發售禁人之不爲者反從而自爲之國體奚在信用奚在是故禁煙問題屢經磋商而英人雖許逐年遞減洋藥猶慮限滿未絕約中國賠償損失彼殆鑒於往事而知我政府不能取

# 枯骨回春

大連市華商公議會書記患胸膈疼痛吐血各症服韋廉士大醫生紅色補丸而得身體強健有力茲承其來函云  
 余姓樂名寶廷奉天省金州西山凌水河子人也現年四十六歲幼多疾病常患咳嗽先父因病溺愛遂致廢讀於  
 二十二歲投効毅軍受知前故直隸提督馬玉崑列為幕友光緒甲午年中日之役戰於韓之平壤大同江岸鏖戰  
 失機左腿誤中流彈流血斗餘大受窘迫兼之體本虧弱漸致紅虛癆十餘年形銷骨立百泰靡常戊申之歲勉應  
 大連市小崗子華商公議會書記之職至秋十月突覺心跳神迷頭暈目眩飲食不進漸至夜睡不甯台眼驚寤心  
 怖氣促狀類怔忡種種異症莫可言喻曾服方藥百有餘帖毫無進益自維受病日深難望安痊悲悶中檢閱盛京



新報載有韋廉士大醫生紅色補丸療治各病奇驗異常因即購服一瓶越  
 十餘日覺有轉機爰乃接服三瓶沉痾若失諸疾頓消余深感○廉士大醫  
 生紅色補丸活我之意莫可圖報敬擬枯骨回春四字用彰大德以表謝忱  
 曾獲韋廉士大醫生紅色補丸之奇效  
 延白述  
 藥君寶  
 廷白述  
 曾獲韋  
 廉士大  
 醫生紅  
 色補丸  
 之奇效  
 痛頭暈 乾溼癬癩 瘰癧疔疹 皮膚諸症 已不知凡幾矣是丸又為醫  
 痛頭暈 乾溼癬癩 瘰癧疔疹 皮膚諸症 已不知凡幾矣是丸又為醫  
 痛頭暈 乾溼癬癩 瘰癧疔疹 皮膚諸症 已不知凡幾矣是丸又為醫  
 痛頭暈 乾溼癬癩 瘰癧疔疹 皮膚諸症 已不知凡幾矣是丸又為醫

治幼女壯婦經水不調一切各症之良藥其奏效之神速固非他種補藥所可望其項背也 韋廉士大醫生紅色  
 補丸中國各處商店藥局凡經售西藥之處均有出售或直向上海九江路B字第八號韋廉士大醫生藥局中國總  
 發行處購買亦可 價銀每六瓶八元 每一瓶大洋一元五角 遠近郵費一律不取  
 謹告購藥諸君能療疾病者係真正韋廉士大醫生紅色補丸並非若市上所售影戲漁利之紅血紅衣等丸也謹  
 防假冒勿為所悞

上海九江路B字第八號韋廉士大醫生藥局啟

商務印書館出版各書上海總發行所

分館

發售

欽定大清會典事例全書 版式大小謹遵 商務印書館恭印

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏遠深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖志函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今年止凡二十五期 其初幾無故事朝野皆奉一憲政爲準繩爲國

爲民政府與議員各盡其道中間財政之抗爭 法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四册定價一元五角茲因諮議局不日開辦趕將前二册先行出版後二册七月 出版預定者實價一元收到書價後即交前二册並付收條俟後二册出版時憑條取書特此預告外埠郵 費照加

天津分館開設 河北大胡同 電話五百二十六號

天津商務印書館新書出版

# 天津商務總會代收兩湖吉林水災賑款數目及各善士銜名第十二 次報告

張竹坡代募第三百七十五號冊共助洋一百十六元 田煥亭 陳藹士 張葆齋 陸秀山 沈慕韓各助洋  
 十元 張毅若八元 童華亭 汪幼龍 王幼甫 李露生 譚利賓 唐俊夫 張晉二各助洋五元 章靜  
 軒 陳藥山 張蘭生 慰痴生 段谷香各助洋三元 孔菊仙 喬景周 張子植 王佩卿 楊恩培 胡  
 棟生各助洋一元 ○清河縣鹽總店代募第一百十一號冊共助洋十元 春暉鹽店助洋四元 何梓樑 劉靜  
 齋 聚泉號各助洋一元 郭秋舫 郭聯三 王蓋臣 董獻廷 許振德 王麟瑞各助洋五角 ○清河縣正  
 堂代募第一百十號冊共助洋二十五元銀十兩去平色銀三錢八分實收合津公砵銀九兩六錢二分 署理清  
 河縣知縣文元助銀十兩去色三錢八分實合津公砵銀九兩六錢二分 清河縣訊司廳李正寅 清河縣縣丞  
 陳毓英 清河縣民人趙一士各助洋二元 清河縣典史沈韻梅助洋四元 勸學總董劉喜喆助洋一元 清  
 河縣民人助洋十元 賬席吳之明 城內無名氏各助洋六角 油坊汛王永仁助洋三角 總警局安際雲  
 巡官徐重文 油坊局巡官劉之春 小屯局巡官劉書酉 辛集局巡官陰自新各助洋五角 ○曲陽縣代募第  
 九十九號冊共助洋三十七元 曲陽縣鄭十元 范非龔 彭厚菴 谷儒珍各助洋二元 盛子服 沈倉山  
 曲陽汛蕭 曲陽巡官時宜 官錢局 天福當田悅卿 陳颯周 彭浩吾 楊省三 田銘 田黠梅各助  
 洋一元 甄滌齋 陳錫恩共助洋一元 張文郁 李國華共助洋一元 甄曉滄 趙霄九共助洋一元 彭  
 予九 劉範卿共助洋一元 彭崇甫 楊熙亭共助洋一元 郭雲軒 高甲三 田漢卿共助洋一元 張宗  
 韓 焦冀生 葛梅卿 盧錦春 周普澤 彭蕊馥共助洋二元 ○林西縣正堂代募第二百三十一號冊試辦  
 林西縣事棟發知縣國仁泰二十元 錦生潤代交合津公砵化寶銀十四兩四錢 ○肅甯縣鹽總店代募第三十三  
 號冊共助洋十元 集義生鹽店 鹽店同人 福承鹽店 福承鹽店同人各助洋二元 忠恕堂張 各鎮鹽  
 店各助洋一元 ○固安縣代募第二百八十一號冊共助洋十四元 謙吉鹽總店四元 高椿軒 郝紉秋 王  
 益甫 高祝軒 李子炎山東濟甯人現居固安縣 陳誠齋 楊鳳巖 馬莊鹽店 牛駝鹽店各助洋一元  
 劉雲嵐 楊秋生各助洋五角 ○以上統共收洋二百二十二元又共收合津公砵化寶銀二十四兩二分

天津救急善會具

# 新 啟 告 廣 司 公 限 有 灰 洋



啓者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之紅磚花磚洋灰瓦水溝管矸子土等項無論躉零交易均可本公司總理處設在天津海大道英租界並在東京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大槪用法另刊有華洋文廣告 光顧諸君請向本公司索閱面議一切可也

德律風一千三百零九號

# 利 文 洋

大小皮包法國洋號又新到轉盤換調器匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參巖等處均設有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金珠珠寶鑽石戒指耳墜鑲子表鑲大小八音盒並留聲話匣單雙桶千里眼磁蘭磨花穿衣鏡妝檯洋鏡

本行主人啓

# 瑞 林 祥 元 記 綢 緞 洋 貨 莊

本號開設北京前門外鮮魚口天津估依街中間路北山東濟南府院西路北自置綢緞紗羅頭繡桃蟬洋貨布疋各色喇啦厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零貨均照行價發兌中外 紳商賜顧移玉是幸 瑞林祥元記具

# 武 齋 洋 行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁銅料器球藍 奇巧美術玩器 學界文房用品 旋行携帶等件 精工變身物料 定織各色席氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

# 督署兩等小學招生廣告

**一宗旨**

以合教官紳士民子弟為主不分省界

**二地址**

在督署後天緯路北

**三學級**

本校分高等初等兩級

**四課程**

高等 講經 國文 地理

**格致**

算術 手工 音樂 英語 體操

第三年第二初等

讀經 國文 算術 音樂 團畫

五年齡

學期酌添農業商業工業為隨意科任各學生認學一科

體操 第二學期添歷史地理

五年齡

高等以十四歲以下十一歲以上為合格

**初等**

以八歲以上十一歲以下為合格

**六學費**

免收

**七膳費**

由本堂備午膳不收費

**八書籍操衣**

不在堂內用膳者聽

均自備

**九資格**

高等以能作短文為合格

初等以能識字能寫字為合格

**十卒業**

高等初等均以四年卒業

**十一獎勵均遵**

部章

高等生卒業最優等得獎廩生優等獎增生中等獎附生

初等由督帥及提學司考試分數合格由本校發給卒業文憑准其升學

**十二報名**

由學生父兄偕同妥實保證人至天緯路北本校報名聽

侯傳考惟本人父兄不得作保證人

督署兩等女學招生廣告

# 督署兩等女學招生廣告

**一宗旨**

以合教官紳士民女子為主不分省界

**二地址**

在督署後花園

**三學級**

本校分高等初等兩級

**四課程**

高等 講經 國文 地理

**格致**

算術 圖畫 女紅 體操 初等 讀經 國文 算術 音樂 女紅 團畫

五年齡

以上十一歲以下為合格

**六學費**

免收

**七膳費**

由本堂備午膳不收費

**八書籍操衣**

均自備

**九資格**

高等以十四歲以下十一歲以下為合格

初等以七歲以下為合格

**十卒業**

高等初等均以四年畢業

**十一報名**

由學生父兄偕同妥實保證人至天緯路本校報名聽

侯傳考惟本人父兄不得作保證人

文為合格初等以能識字能寫字為合格

**十卒業**

高等初等均以四年畢業

**十一報名**

由學生父兄偕同妥實保證人至天緯路本校報名聽

侯傳考惟本人父兄不得作保證人

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

## 催繳甘賑捐冊廣告

查甘賑捐冊有三百餘分未經交回同人擬再展限二十日至十月底務望一律交齊是所至盼  
官報局甘肅籌賑處謹啓

## 助柴鳴謝

啓者本堂收養孀孤年來人數增多不獨米糧用鉅而冬令燒柴尤為大宗茲承建遺處陳建侯總辦惠助木柴二萬數千斤作炊爨之用黍谷回春不衣自煖似此樂善好施盡登報端用鳴謝悃  
廣仁堂公啓

## 鳴謝助款

邑紳花翎候選道李公鴻翰謹遵故父李公鍾瑋遺命節省喪資以例銀三千兩捐助本堂經費業經收訖當此籌款困難承大紳善承先志慨濟多金實為好義可風同深感佩除由本堂詳請督憲奏獎外理合登報鳴謝以為樂善好施者勸  
天津廣仁堂謹啟

## 天津南開私立第一中學堂招考新班學生

考期一在本年十二月初六日上午一在明年正月十八日下午

## 工商演說廣告

啓者十一月十八日晚八鐘至十一鐘仍借東宣講所內演說工商各項要理並請韓鏡湖先生演說電鍍五金法宋則久先生演說家庭工藝紀管濤先生演說飲食食品與經濟衛生之關係務乞各工屆時惠臨入聽不取分文特先佈告  
天津勸工陳列所謹啓